

Ямде лий



0+

1933 ий 1 февраль годсек лектеш.

Йоча книга – ушан пöлек

Йоча книга. Могай тудо? Шонанпыл тусан, кече дене волгалтше, куаным пöлеклыше, чоным вүчкышö, поро пашалан туныктышо, мўгинде гай... Арам огыл 2 апрельыште Йоча книган тўнямбал кечыжым палемдат. Тиде кече Анжела Тимоевалан (Михайлова) (снимкыште – эргыж-влак дене пырля) – кугу пайрем. Серызе икшыве-влаклан «Мўян чай» ден «Пеледыш таман пагыт» книгалам савыктен луктын.

– Ава лиймеке, йоча прозылан кумылафынам. Икшыве-влакын койыш-шоктышыштым эскераш пеш оҥай улмаш. Кутырымыштыш, шонкалымыштыш лашткышышке кусненит, ойлымашышке савырненыт, – оила Анжела.

Самырык серызын ик эн шерге лудшыжо-шамыч – Рома ден Денис эргыже-влак. Аваштын книгажым эн ончыч шергалыныт, шкешотан акымат пуэныт. Лач Анжелан ойлымашыже-шамыч нуным марий сылнымутлан шўманденит.

– Йочалан возем гын, мый нунын илышышты денем илышаш, куанымшыштым, тургыжланымшыштым шижын моштышаш улам. Кажне ойлымашысе сюжет илыш гыч налме. Геройын прототипше уло. Удыр-рвезе-влаклан эше ик пöлекым ыштынем. Повестьым ямдылем. Лишыл жапыште савыкталт лектеш манын ўшанем, – оила Анжела.

Х.АЛЕКСАНДРОВА.



Фотом еш архив гыч налме.

Йоча книган тўнямбал кечыжым 2 апрельыште, кумдан чапланыше йомакзе Х.Г.Андерсенын шочмо кечынже, 1967 ий гыч пайремлат.

Пагалыме лудшына-влак, 1 апрельыште 2023 ийын кокымшо пелийжылан подписке тургым тўналеш.

ПОДПИСКЕ

«Ямде лий» газетлан почто отделенийыште, редакций гоч, podpiska.pochta.ru сайт полшымо дене возалташ лиеш. Тыгак электрон подпискым ышташ йөн уло. Келшыше йöным ойырен, ПОДПИСКЫМ ышташ вашкыза.



Индекс – П4696.

**Ак – 403 тенгеат
32 ыр.**

Подпискым ыштыше-влак коклаште лотерей модыш эртаралтеш. Тидлан квитанцийын копийжым редакцийышке колтыман.

Рекламе.



Авторын фотожо.

«Ручкалан» – икымше вер

М а р и й
Элыште «Живое слово» всероссийский конкурсын районсо йыжынже эртаралтын. Ёдыр-рвезе-влак прозым рушла да марла лудыныт. Оласе йоча-шамычат (снимкыште – туныктышышт дене пырля) мастарлыкштым тергенит. Марла лудшо-влак коктын веле лийыныт. Тиде 14-ше номеран гимназийын тунемшыже Екатерина Речкина (6-шо кл.) да 20-шо номеран школ гыч Никита Перцов (7-ше кл.). Катя А.Петровын «Ручка» ойлымашыжым сылнын лудын. Тудым марий йылмым туныктышо Л.Н.Никитина ямдылен. Никита С.Чавайнын «Элнет» романже гыч ужашым каласкален. Рвезылан марий йылмым туныктышо Л.И.Шашкова кугу шўкалтышым ыштен. Иктешлымеке, Е.Речкина сенгышыш лектын. Тудо республикысе йыжынгыште таңасаш тўналеш.

Х.АЛЕКСАНДРОВА.

Историйым шергалына

1945 ий 9 апрельыште маршал Р.Я.Малиновскийын вуйлатыме совет войска Словакийын рўдолажым, Братиславым, фашист тїшка деч утарен.

«Визытаным» мыланем Пўлекла туныктышем. Мўнгў куанен толам, Йывырта моткоч авам.

Никита ПОРТНОВ.

**Йошкар-Ола,
14-ше номеран гимназий.**

Пўсў уш-акылан – сенгыше



Фотом интернет гыч налме.

Юл кундем федерал округысо тунемше-влакын уш-акылым тергыше олимпиадыштын регионсо йыжынже радамаште эртаралтше «Мо? Кушто? Кунам?» модыш теният онай лийын. Тудо Йошкар-Олаште эртаралтын. Республикысе олала ден районла гыч 16 команде ушнен, 126 тунемше таңасен. Ёдыр-рвезе-влак кок турышто 30 йодышлан вашмутым пуэныт. Виян таңасымаш деч вара Шуко про-

филян лицей-интернатын командыже кумшо верыш лектын. Йошкар-Оласе 11-ше номеран лицейын командыже кокымшо лийын. Икымше верым рўдоласе Ломоносов лўмеш лицейын командыже сеген налын. Нуно Марий Элын чапшым 20-22 апрельыште Пермь олаште эртаралтше финалыште аралаш тўналыт. Сенгыше-влакым снимкыште ужыда.

Л.НИКОЛАЕВА ямдылен.

Российысе увер

7-18 ияш ёдыр-рвезе-влак, муреда, семўзгар дене шоктеда, ансамбльышке коштыда? Тугеже «Творчество юных» российско-белорусский йоча фестиваль-конкурсын отборочный йыжынгышкыже ушныза. Йодмашым **творчествоюных.рф** сайтыш **27 апрель марте** колтыза.

«**Все животные – важны**» всероссийский йоча сўрет конкурсышто **7-18 ияш** тунемше-влак мастарлыкштым терген кертыт. Усталык пашам **30 апрель марте** колтыман. Тўрыс увер – **рисунескоклассом.рф** сайтыште.

Шуко шочшан еш-влак «**Россия, мы – твоя семья**» форумыш да «**Здоровая семья – сильная Россия**» спорт фестивалыш ушнен кертыт. Тўрыс уверым **многодетные-семьи.рф** сайтыште ончаш лиеш.

Марий Элысе увер

Психолого-педагогический классыште тунемше-влакым «**Поиск юных-2023**» республикысе проект конкурсышко ушнаш ўжыт. Икымше йыжын **11 апрель марте** шуйна. Тўрыс увер – **marsu.ru** сайтыште.

14 апрельыште Йошкар-Олаште «**Ший талешке**» республикысе конференций эртаралтеш. Тений Туныктышын да наставникын идалькыштан пўлеклалтеш. Шымлыме пашам **maricentr_konkurs@mail.ru** адрес дене электрон почтыш

4 апрель марте колтыман.

Республикысе марий тўвыра рўдер калык семўзгар дене шоктышо 4-18 ияш ёдыр-рвезе-влак да ансамбль-шамычлан «**Изи гармоньчо**» регион-влак кокласе йоча фестивалым эртара. Тудо **22 апрельыште** Марий самырык театрыште лиеш. Йодмашым **12 апрель марте** колтыман.



Куштымашын вийже кугу

23-26 мартыште Йошкар-Олаште «Михаил Мурашко йолташыже-влакым үжеш» тўнямбал фестиваль-конкурс латикымше гана эртаралтын. Тушко Москва, Рязань, Самара олала, Тюмень область, Краснодар кундем, Марий Эл, Чуваш, Татарстан республикла гыч 48 коллектив, 21 дуэт да шкет куштышо-влак, 11 хореограф-постановщик ушненыт. Нуно 11 тагасыште мастарлыкштым ончыктеныт.

Кужэнгер посёлко гыч «Топотушки» калык куштымаш образцовый ансамбль (снимкыште) ты фестивалыш ий гыч ийыш ушна. Теният кум куштымашым аклымашке луктын. 10-13 ияш-влак коклаште эстон куштымаш дене икымше степеня лауреат лўмын налын. Ты ансамблынак участникше Полина Фёдорова руш калык куш-



Фотом ансамблын архивше гыч налме.

14-17 ияш-влак коклаште **калык куштымаш тагас**: 1 вер – «Дивертисмен» ансамбль (Йошкар-Ола).

10-13 ияш-влак коклаште **марла куштышо ансамбль тагас**: 1 вер – «Шокто, гармонь», «Изи памаш» ансамбль-влак (Йошкар-Ола).

10-13 ияш-влак коклаште **современный куштымаш тагас**: 1 вер – «Аллегро» ансамбль; 14-17 ияш-влак коклаште – «Ассорти» ансамбль (Йошкар-Ола).

Марий Эл гыч **Гран-прим** «Изи памаш» ден «Ассорти» ансамбль-влак сeнен налыныт.

тымашым ончыктен да шкет куштышо-влак коклаште кыкымшо лийын.

– *Кеч-могай конкурс але фестиваль усталыкым вияндаш полша. Ме шке мастар-*

лыкнам ончыктена, моло коллектив-влак дене палыме лийына, вайкылым ыштена, икте-весе деч тунемына. Куштымашын вийже кугу. Тудо калыкын чонжым, койыш-шоктышыжым, моторлыкшым почын пуа. Сеҗымаш шондыкна кажне ийын пойдаралтеш. Тыште вуйлатышына Антонида Аркадьевна Иванован надырже моткоч кугу, – ойлалт удыр-влак.

Е.ИВАНОВА.

Йылме – поянлык

Икшыве лишыл еҗжым, шочмо суртшым, ялжым йораташ ешыште тунемеш. Йочададысе педагог-влак ты шижмашым пенгыдемдена да аралена. «Аван кечыжлан», йоратыме еҗым сўретлен, ончерым ыштенна. «Мыйын родо-тукушем» презентаций конкурсыш йоча-шамыч ача-авашт дене пырля ушненыт. Марий пайрем, калык модыш-влак нбога-шамычлан пеш келшат. Марий вургем кугешныме кумылым тарвата. Эн кугу поянлык – тиде йылме. Ача-ава-влак, икшывыда дене шочмо марий йылме дене мутланыз!

Кужэнгер, Конганур.

В.С.ГЛУШКОВА.

Шочмо йылмым пагалем,
Йоратем, моктен мурем.
Калыкемын – сылне сем,
Мыланем гын, тамле эм.

Даша КУШАКОВА.

Шочмо йылмым йоратем,
Тудо мыйын чоныштем.
Нигунам ок лий мондаш,
Тидым пале тый, йолташ.

Кирилл КРЫЛОВ.

Морко, Коркатово.



Фотом школ архив гыч налме.

«Изи шўдыр»

Йўледўр школыштына «Изи шўдыр» драмкружок пашам ышта. Тушко визымше классыште тунемше-влак кажне арнян кумылын коштыт. Кружокым С.А.Березина ден Л.А.Гришкина вўдат. Шукерте огыл йоча-шамыч «Соломенный бычок» йомакым модын ончыктышт (снимкыште). Изи артист-влак сценыште шкеныштым чулымын кучышт. Спектакль мыланна пеш келшыш. Совым рўж кырен, нунылан тауштышна.

Ксения МАЛИНИНА.

Кужэнгер район.




тукым улына

Чын айдеме

Корныш тарванет гын,
вийым пого.
Ом керт манын,
верыште ит шого.
Нелылыкым чактарен,
сенен кай,
Чын айдеме,
лий тый лач тыгай.
Пүтынъ элым шерын
коштын тольыч,
Молдаван, удмурт-влак
лийыч шольыч.
Шочмо вер эн шерге,
пале, рвезе,
Тыште пүртүсшат мотор,
ялт весе.
Дима ИВАНОВ.
Морко, Кожлаер.

**1-11-ше клас-
слаште** тунем-
ше-влак да студент-шамыч
«Литератур смене» респуб-
ликысе конкурсышто мас-
тарлыкштым терген кер-
тыт. Тудо серызе, РСФСР-ын
сулло туныктышыжо, педа-
гогике шанче кандидат
В.Ф.Сапаевын шочмыжлан
шүдö ий теммылан пöлек-
лалтеш. Кеч-могай жанр
дене марла але рушла возы-
мо пашам keche1@mail.ru
адрес дене электрон почтыш
16 апрель марте колтыман.

Конкурс



Фотом школ архив гыч налме.

Шарнен илаш

Шернур посёлко деч мўндырнак огыл, кумда пасу, шўшпыкан чашкер, кадыргыл йогышо эгер вокте-не Изи Лужалу ял верланен. Тиде сылне верыште 1898 ий 27 мартыште йорло кресаньык ешыште ончыкылык марий писатель Шабдар Осып (Иосиф Архипович Шабдаров) шочын. Тудын шочмыжлан 125 ий теммылан пöлеклалтше пайрем серызын лўмжым нумалше Мустай кыдалаш школышто эртаралтын.

Пайремыш толшо уна-влак лўмлö поэтым, драматургым, педагогым да литературове-дым эн ончыч Изи Лужалу ялыште верланыше кў вокте-не шарналтеныт. Тудым пи-сательын пöрт олмыштыжо 2007 ийыште шындыме. Шаб-дар Осыпын тукумжым шу-йышо, 6-шо классыште ту-немше Антон Адиганов пеле-дышым пыштен **(снимкыште)**.

Мустай школын тунемшы-же-влак писательын произ-веденияйлаже почеш сўрет ончерым ямдыленыт, сценкым модын ончыктеныт. Сце-ныште ойгырен шинчыше изи рвезым ужмеке, вигак пале лийын: тиде Кориш. Тудын рольжым Максим Макаров сайын модын. Рвезылан «Ямде лий» газет редакций лўм дене пöлекым кучыктым.

Пайремым вўдышö-влак, 8-ше классыште тунемше Катя Ибраева ден директорын воспитаний паша шотышто алмаштышыже Артём Алексеевич Паймаков, пи-сательын илыш корныж дене палдареныт.

– Мый Шабдар Осытым



Авторын фотожык.

ковамын ойлмыж гыч шар-нем. Анна Архиповна тудын шўжарже лийын, – ойлен Шернур муниципал образова-нийым вуйлатыше С.Л.Ади-ганов. – Тиде еш пеш нужнан илен, ял еда йодынит кошта-шат пернен. Шабдар Осып чыла тидым чытен лектын, кугу кўжыштыш шуын, йол-ташыже да палымыже-влак-лан пример лийын.

Н.ТОКТАРОВА.

Щелыковыш миенна

А.Н.Островскийын 200 ияш лўмгечыже вашеш туныктышына Э.А.Егорова «Литературное путешествие в музей-заповедник Щелыково» мероприятийым эртарен. Пöтъял да Сотнур школлаште 9-10-шо класслаште тунемше-влак **(снимкыште)** Сотнур селасе книгагудышто вашли-йынна. Серызын илыме верже, Щелыково ял нерген шуко онайым пален налынна. «Жестокий романс» ден «Снегурочка» кинофильмлам онченна. Мероприятий мучаште А.Островский нерген синквейным возенна, виктори-нысе йодыш-влаклан вашештенна. Серызын илыш корныжым, усталык-шым шымлаш кумыл утларак ылыжын.
«Русская словесность» кружокын енге-влак.

Волжский, Сотнур.

Калык ойпогым шымла

Мотор марий тувыран, весела койыш-шоктышан Настя Алембаева (снимкыште) Советский район Кужмарий школын 5-ше классыштыже тунемеш. Шочмо марий йылме ден сылнымутлан шўман. Кужмара ялысе клуб пеленысе «Эр ўжара» ансамбльыш коштеш.

– Ты ансамбльыш шольым, мый да авам кажне кастене вашкена. Икмыняр ий ончыч ковамат коштын, – оила Настя. – Мый изинек ковам пелен лияш йоратем. Тудын деч тўрлө оңайым пален налам. Изиракем годым йомакым шуко лудын. Кызыт калык ойпого нерген каласкала. Ковамын ойпогыжым колыштын, почеламут корныла шочын. Тудым «Ковамын уныкажак улам ала-мо...» манын лўмденам да «Кугезе вож» фольклор фестивалыште мастарлыкемым ончыктенам. Тыршымет арам лийын огыл: икымше верыш лектынам.

Чолга ўдыр марий писатель, поэт-влакын илыш корнышт, усталыкышт нерген утларак пален налаш тырша. Марий сылнымутын классикше М.Шкетанын, поэт В.Колумбын произведенийлаштым поснак акла.

Шочмо йылмын, сылнымутын сөралыкыштым, кўлешлыкыштым келгынарак умылаш марий йылмым туныктышо С.П.Комарова полша.



Е.ИВАНОВА.

Казакowlан

Ўмыр мучко возенат,
Калык верчын тыршенат,
Илыш вийым пуэнат,
Келшымашым моктенат.

Ныжыл мардеж гай мурсем
Кажнын чонышко шынген.
Тиде Моркын ямле эм,
Тудым шижеш кажне ен.

Сылне аршашым кучен,
Поро шомак ден шарнен,
Чон гыч лекше мутемым
Тылат, поэтем, пөлеклем.

Регина ГРИГОРЬЕВА.

2-шо номеран Морко школ.



Керек-могай мастарын
эн уста туныктышыжо
уло. Тиде илыш. Тугай
мурызо гына жап дене
төр ошкыл кертеш, кө
еңым туныктен, шке-
жат илыш деч тунемаш
намыслан ок шотло.

В.КОЛУМБ.

Уста мутмастар

Марий поэт-баснописец Мирон Чойн (М.Н.Большаков) – Морко район Элек-энер ялын шочшыжо. Тений тудын шочмыжлан 105 ий темын. Мирон Николаевичын возымо сылнымутшым кызытат куанен лудына, почеламутшо-шамычлан кельштарыме мурылам колыштына. Басныже-влак мыланем пеш келшенит. Илышыжым, усталык корныжым келгынарак шымлаш кумылангынам.

Роман ВИССАРИОНОВ.

2-шо номеран Морко школ.

Произведений-влакым авторышт дене чын ушыза.

«Эрык эн шерге»	Анатолий Мокеев
«Икыт, кокыт...»	Мария Илибаева
«Чеве́р серыш»	Анатолий Мокеев
«Порылык кушкаш полша»	Зинаида Ермакова
«Лўддымө агытан»	Мария Илибаева
«Ужында, колында, могай нуно улыт!»	Зинаида Ермакова

Мурсемлан шўман

Шернур посёлкышто «Самырык тукум» районысо конкурс эртаралтын. Тушто мемнан школ гыч Кира Максимова, Анастасия Волкова да мый мастарлыкнам ончыктенна. Кира «Изи пий» мурым мурен, Настя «Кап-кап» мурым йонгалтарен, а мый «Ешем» муро дене калык ончыко лектынам. Тыршымына арам лийын огыл: Кира кокымшо верым, Настя да мый кумшо верым сенен налынна. Ме мурсемлан шўман кушкына.

Анна АЛЕКСЕЕВА.

Шернур, Лажъял.

Сылнын лудам

Мый шымше классыште тунемам. Почеламутым сылнын лудаш йоратем. Усталыкем тўрлө конкурсышто тергем. Ўмаште «Колумб лудмаш» регион-влак кокласе тагасымаште кокымшо верым сенен налынам. Марий тиште кечылан пөлеклалтше конкурсышто шке ийготан-влак коклаште икымше лийынам. Кугу сценыште, уста артистын модмо верыштыже, почеламутым лудмо годым кумыл нөлтеш, мастарлыкым эшеат чот вияндыме шуэш.

Родион НЕБОГАТИКОВ.

У Торъял, Токтарсола.



Фотом школ архив гыч налме.



– Индешле утла ий жапыште газетна моткоч ваштамтын. Буква-влак тыгыде лийыныт, тўрлө чия шинчам куандарен огыл. Ондак шуко уверым шын-даш тыршенят. Кызыт мотор сўрет дене сōрастарена. Тукым ваштам толеш, садлан ме илыш деч вараш ынена код, – ойла корреспондент Алеся Главатских.

Онай лаштыкла

Палаш онай, газет-ыште могай лаштык, рубрике-влак улыт? Юнкор-шамычын возымо пашаштым «Гожтэтысь чуръёс» (Серыш гыч корныла) рубрике дене верандат. «Йыг! йыгаским» (Тук-тук-тук) лаштык пеш онай. Унаже-влак тўрлө аланыште тыршыше, кумдан палыме ен-влак улыт. Нуным лудшо-шамыч шке ойырат. Тидлан «ВКонтакте» соцкылысе тўшкаш уверым пуат. Калык комментарийше воза. Нине йодыш-влак дене корреспондент уста ен дека кая. Эн онай йодышым пуышо енлан лаштыкын геройжо «Зечбур» газетын блокнотшым автографым шынден кучыкта. «Комикс» лаштык ералашым ушешта-

«Зечбурлан» – шокшо салам

Финн-угор калык-влак йоча савыктышлан кугу тўткышым ойырат. Йоча газет, журнал-шамычым савыктат. Нунын кокла гыч иктыже – «Зечбур!» одо газет. Икымше номерже 1930 ийыште «Дась лу!» (Ямде лий!) лўм дене ош тўням ужын. «Зечбур» шомак «салам» манын кусаралтеш.

ра. Тушто йочам иктаж-молан туныктышо мыскарам савыктат. Нунын почеш видеороликым ямдылат да соцкылышке верандат. Роль-влакым Гири ден Капа модыт. Конкурс ден фестивалыште ойыртемалтше, уста йоча-шамычлан «Мидорын куноын» (Мемнан унана) рубрике уло. Тыгай рубрике-влакым шотлен отпытаре.

сўретым колташ лиеш». Тыгодым йоча-влак доска ончыко лектыт да шинчам петырен сўретлат. Видео колташ лийме нерген ойлагын, илыше газет дене пырля куштат. Кызытсе технологий дене пайдаланен, «Зечбурым» тўрлө семын пойдарат. Тўрлө конкурсым ий еда эртарат. Марий Элысе савыктыш-влак денат пеныгыде кылым кучат.



Фотом редакцийын архивше гыч налме.

Чолга юнкорлан – путёвко

Эн шуко сўретым колтышо, эн шуко почеламутым возышо, эн шуко заметкым серыше йоча-шамычым идалык мучаште але тўналтыште палемдат.

– Нунын фототым икымше лаштыкыш верандена. Чолга юнкор-влак-лан удостоверенийым, йон лийме семын «Шундыкар» (Кечан ола) одо лагерьыш путёв-

кым кучыктена. Тыгак Башкортостан Республикасысе «Усточикар» (Мастар кидан-влакын олашт) одо лагерь дене кылым кучена. Юнкор-шамыч ожнысо семын шуко уке улыт гынат, газет дек тўрлө семын кумылашдаш тыршена. Паша кўжгө, – ойлат редакций пашаен-влак.

Тек лудшышт шуко лиеш, возаш кумылан-влак ешаралтыт, да чыла шонымашышт шукталтеш.

Усталык шўлышан еш

Кызыт редакцийыште ныл ен пашам ышта: тўн редактор, корреспондент, сўретче да дизайнер. Тўрлө школышко, ялышке коштыт. Йоча, туныктышо, ача-ава, кочакова-влак дене вашлийыт. Илыше газетышт уло. Тудо мотор сарафанан. Газет шкеже, кылым ыштыме нерген каласкала, модышым эртара (снимкыште). Мутлан, тыге ойла: «Мый декаем

Финн-угор увер

Карелий Республик Петрозаводск олаште «Книжка с картинками» ончер почылтын. Тушто Агния Бартон, Сергей Михалковын, Корней Чуковскийын да моло серызын произведенийышт почеш графике йон дене сўретлыме иллюстраций-влакым ужаш лиеш.

Таймыр пелотрошто эртаралтше «Большой Аргиш» этнофестиваль «Событие года» национальный премийын ик танасыштыже кумшо верыш лектын. Тиде фестиваль дене верысе калык кужу телым вашлиеш. Нганасан, ненец, энец да моло калык-влакын йўлашт дене палдарат.

Лаштыкым Х.АЛЕКСАНДРОВА ямдылен.

Илыш вий

Кинде – илыш вий. Мемнан кугезына-влак киндым пеш чот акленыт: ала кочкаш уке-лан көра, ала эн тамле улмыжлан верчын. Тунам ты кочкышым кевытыште налын огытыл, конгаш пыштеныт. Мыят уржа киндым моткоч йоратем. Тудым шөр дене кочкаш пугырак тамле. Киндым айда-лийже кышкылташ ок лий. Тудо мемнан эн шерге поянлыкна.

Ксения ЯНДАКОВА.
Морко, Шүргыял.

Кинде – сий да илыш вий.
Калыкмут.

Аральза пүртүсым

Шошым лум шула. Урем гоч вүд йога – пуйто энер ташлен. Шокшо эл гыч шулдыран йолташна-влак чонештен толыт да пыжашым опташ тўналыт. Кече кужемеш. Авам помидорым, киярым үден. Вашке куэвүд йогаш тўналеш. Йоча-влак, шарныза: пушенгым арам руаш ок лий. Аральза пүртүсым!

Ксения БУТЕНИНА.
Морко, Энерсола.

Ялысе книгагудо

Ялыштына книгагудо уло. Тудым О.А.Орзаева вуйлата. Ольга Александровна лудшо-влакым кажне кечын порын вашлиеш. Шукерте огыл шолыым-шамыч дене **(снимкыште)** тушко унала мийышна. Библиотеке-лан ныл у книга-м пöлеклышна. Ю.Соловьёвын «Шоншо иге да йолташыже-влак» да К.Чуковскийн «Мойдодыр» книга-лаштым мөнгыштö лудаш нална.



Шернур, Кукнур.

Ульяна ТАНЫГИНА.

Мастар кид




Түрлө шүраш дене пушенгым ыштыза.

Палаш онгай


Ландыш ден нарциссым вазыш пырля шындеда гын, нуно вашке лывыжгат. Кенегежымсе пеледыш аршашыш резедам ешарыман огыл. Тудо моло кушкылым вашке лывыжтара.

Могай сүретым шындыман!



Айста модына

Йоча-влак мужырлан шелалтыт. Кидым кучен, йолгопам ваш ыштен, мужыр кўвар ўмбак шинчеш. Вүдышын кўштымыж почеш йоча-влак кынелын шогалшаш улыт.



Пырысын вес велжым сүретлен пытарыза да чиялтыза.

АПРЕЛЬ		М.Шкетан лүмеш Марий кугыжаныш драме театр	
1 шм 16:00	СÖСНА ПОМИНКА Комедий / Поминки по свинье	Г. Гордеев	1 ш. 50 м.
2 вс 16:00	ПОСАДИТЬ ДЕРЕВО Шутка в одной действи	А. Житковский	1 ч.
6 чт 18:00	СПАСИ КАМЕР-ЮНКЕРА ПУШКИНА История несостоявшегося подвига	М. Хейфец	1 ч. 45 м.
7 кг 18:00	ТУЛАР ден ТУЛАЧЕ / Сват и свако	Н. Арбан	2 ш. 10 м.
8 шм 14:00	МЫЙ КУЧЕМ ЭШЕ ПОЧШО ГЫЧ ИЛЫШЫМ		
9 рш 16:00	САЛИКА 85 ий сценыште	С. Николаев	2 ш. 10 м.
19 вр 18:00	ЙÖРАТЫМАШЫН АКШЕ / Цена любви	В. Пектеев	2 м.
20 из 18:00	МҮНДЫР ЯЛЫШ ТОЛЫН КАЧЕ Комедий / Хутор, престиж и котик	В. Ольховская	1 ш. 50 м.
22 сб 16:00	СПАСИ КАМЕР-ЮНКЕРА ПУШКИНА История несостоявшегося подвига	М. Хейфец	1 ч. 45 м.
26 вр 18:00	ЮМЫНҮДЫР / Дочь Бога	Н. Пушкина, С. Яндукоев	
27 из 18:00	ЮМЫНҮДЫР / Дочь Бога	Н. Пушкина, С. Яндукоев	

«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://t.me/yamdellii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.ru

УЧРЕДИТЕЛЬ:
Марий Эл Республикысе
культур, печать да
калык-влакын пашашт
шотышто министерстве.

Газетым редакцийыште погымо да версталыме,
«Марий Эл Республикысе
Правительствын типографийже» ООО-што ямде
оригинал-макет гыч савыктыме. Типографийын
адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № Ту52-01335,
2021 ий 29 сентябрьыште пуымо.

0+
Печатьыш пуымо жап –
14-00,
фактически – 13-00

Авторын да редакцийын шонымышт түрлө лийын кертыт. Серыш-влак мөнгеш огыт колталт.
Ак – кутырен келшыме почеш.
Редакцийын да издательнын адресше:
424006, Йошкар-Ола, СССР Вооружённый Вийын 70-ше идалькыше урем, 20-шо пöрт.
Тел. 8(8362) 45-22-82(факс).

КОНКУРС



Вика, Ульяна, Матвей МАКАРОВМЫТ.
Морко посёлко.



Полина ИВАНОВА.
Марий Турек посёлко.



Алексей АБАКУМОВ.
У Торьял, Токтарсола.


Шулдыран уна

Эр. Уремыште игече леве. Түрволак гыч вүд йога. Олма-пушто трук ала-мо койылалтыш. Түткынрак ончалым – кайык. Шинчамлан ужарге, сур түс-влак пернышт. Тиде вжиккайык улмаш. Рушлаже зеленушка лиеш. Тудо шошо толмым шижтара. Эр кочкышым ыштен, школышко куаныше ошкылбым. Шулдыран уна нерген пырля тунемме йолташем-влаклан каласкалышым.


Марина СТЕПАНОВА.
Волжский, Упшер.

18	45	28	24	28	45	7	14	7	25	12	38	18	21	28	25

Пример-влакым шотлыза. Числа олмеш буквам шындыза да туштым палыза.



Ик шырпым верже дене вашталтен, чын вашмутым ыштыза.



Лабиринтым эртыза.



И	45:5*2
А	35:5*4
В	40:5*3
К	9*5
О	7*5-28
Л	10:5*7
Н	10:2*5
Л	8*5-2
Ы	15:5+9
Г	35:5*3

Йодыш олмеш могай числам шындыман?




4 апрель – Кешырын кечыже. Тыште чылаже мыняр кешырым муыда!

Кешыр Нарынчалге, тамле. Удена, мушкына, кочкына. Шуко витаминан кочкыш. Пакчасаска.
Настя ЧЕМЕКОВА.
Советский, Ёрша.



Кудо кубикым шындыман?



Йоча велосипед 1630 тенгем шога, а шенгел ик ораваже 1450 тенгелан шулдырак. Велосипедын шенгел ораважын акше мыняр?

Интернетысе сүрет-влакым кучылтмо.